

आकाशवाणी

खबरां ---

1. प्रधानमंत्री नरेंद्र मोदी होरें उत्तराखंड च साल भर सैलसु गी बढ़ावा देने दा आह्वान कीता ऐ तां जे अर्थ बवस्था गी मजबूत कीता जाई सकै ते रोजगार पैदा कीता जाई सकै।
2. इलेक्ट्रानिक ते आई.टी मंत्री अश्विनी वैष्णव होरें आखेआ जे भारत आर्टिफिशल इंटेलीजेंस गवर्नेस लेई व्यवहारिक ते तकनीकी कनूनी रवैया अपना'रदा ऐ।
3. भारत नै विदेश मंत्री डॉ. एस जयशंकर हुंदे यू.के दौरे दरान अलगाववादियें आसेआ कीती गेदी सुरक्षा उल्लंघनें दी निंदा कीती ऐ।
4. भारत-बंगलादेश संयुक्त नदी आयोग दी 86मीं बैठक अज्ज कोलकत्ता च शुरू होई।
5. केंद्री मंत्री मनसुख मांडविया होरें नरोई सेहत आस्तै योग ते बर्त दे महत्व पर जोर भरेआ।
6. शिडक, परिवहन ते जरनैली शिडकें सरबन्धी केंद्री मंत्री नितिन गडकरी होरें आखेआ जे इक प्रगतिशील समाज बनाने लेई लोकें गी अपने आप गी छूआ-छूत, फर्को-फर्की थमां मुक्त करना होगा।

<><><><><><>

PM Uttarakhand

प्रधानमंत्री नरेंद्र मोदी होरें उत्तराखंड च अर्थ बवस्था गी मजबूत करने ते युवाएं लेई रोजगार पैदा करने लेई "Round the year" Tourism गी बढ़ावा देने उप्पर जोर दित्ता। अज्ज रियासत दे उत्तरकाशी जिले दे हरसिल च इक जनसभा गी संबोधित करदे होई मोदी होरें रियासत च सैलसफा

च खेत्तर विविधता आहने दी लोड उप्पर जोर दिता ते लोकें गी स्याले च उत्तराखंड दा दौरा लाने दी अपील कीती। प्रधानमंत्री होरें आखेआ जे जैश सनाकडे नजारे आहले इस पहाडी राज्य च ऑफ सीजन नेई होना चाहिदा। इस थमां पैहले प्रधानमंत्री होरें सैलसफा गी बढावा देने ते मकामी अर्थ बवस्था गी बढावा देने दे तौरा पर हरसिल च ट्रेक ते बाइक रैली गी झंडी दस्सियै रवाना कीता।

<><><><><><>

Vaishnav-AI

इलेक्ट्रानिक्स ते सूचना प्रौद्योगिकी मंत्री अश्विनी वैष्णव होरें इस गल्ला पर जोर भरेआ ऐ जे भारत आर्टिफिशल इंटेलीजेंस गवर्नेंस लेई बवहारिक ते तकनीकी कनूनी रवैया अपना'रदा ऐ। मंत्री होरं इक राष्ट्रीय दैनिक च उन्दे आसेआ लिखे गेदे इस लेख च आखेआ ऐ जे सरकार साइबर सुरक्षा खतरे ते निजता दे खतरे दे खलाफ आर्टिफिशल इंटेलीजेंस आसेआ चलाए जा रदे सुरक्षा उपायें च निवेश करारदी ऐ। उनें आखेआ जे भारत समावेशी विकास लेई तकनीक दा फैयदा लैना चाहंदा ऐ ते कन्नै गै इक नियमन ढांचा बनाई रक्खना चाहंदा ऐ जेडा नवाचार गी बढावा दिंदा ऐ।

<><><><><><>

PM-Vaishnav Article

प्रधानमंत्री नरेंद्र मोदी होरें अज्ज इलेक्ट्रानिक ते सूचना प्रौद्योगिकी मंत्री अश्विनी वैष्णव हुंदे आसेआ विकसित भारत दी डिजिटल बत्त यानि "The Digital path to a development India" शीर्षक कन्नै इक राष्ट्रीय दैनिक अखबार च लिखे गेदे लेख दी सराहना कीती। सोशल मीडिया पोस्ट च इस लेख दा हवाला दिंदे होई मोदी होरें आखेआ जे इस लेख च इस गल्ला दा ब्यौरा दिता गेदा ऐ जे डिजिटल सार्वजनिक बुनियादी ढांचे, आर्टिफिशल इंटेलीजेंस, सेमीकंडक्टर ते इलेक्ट्रानिक्स निर्माण उप्पर ध्यान देइयै मुख्य किस चाल्ली अपने डिजिटल भविष्य गी आकार देआ'रदा ऐ।

<><><><><><>

Rijju Minorities

संसदीय मामलें ते अल्पसंख्यक मामलें सरबन्धी केंद्री मंत्री किरण रिजिजू होरें आखेआ ऐ जे केंद्र सरकार समावेशी विकास गी प्राथमिकता देइयै देसै च अल्पसंख्यक समुदायें दी भलाई-बेहतरी लेई प्रतिबद्ध ऐ। उनें एहू गल्ल केरला दे तिरुवंतपुरम च आयोजित दपक्खी खेत्तर दे राज्यें ते केंद्र शासित प्रदेशें लेई प्रधानमंत्री जन विकास कार्जक्रम सरबन्धी क्षेत्रीय समीक्षा बैठक ते सिखलाई कार्जशाला च आक्खी।

<><><><><><>

Select-Committee

नमें आयकर बिल उप्पर लोकसभा दी ताल कमेटी नमीं दिल्ली दे संसद भवन च इक बैठक करा'रदी ऐ। कमेटी नै Ernst ते युवा दे कन्नै-कन्नै भारत दे चार्टर्ड अकाउंटेंट संस्थान दे नुमाइंदे गी मौखिक तौर पर सबूत दर्ज करने लेई बलाया ऐ। 31 मिम्बरें दे पैनल दी अगुवाई भाजपा दे सांसद बैजयंत पांडे करा'रदे ना।

<><><><><><>

Indo-Bangladesh River Commission

भारत बांग्लादेश संयुक्त नदी आयोग दी 86मीं बैठक अज्ज बडुलै कोलकाता च शुरू होई। भारत ते बांग्लादेश बश्कार बगने आहली नदियें दी समस्या चर्चा दा इक बड्डा मुद्दा होग। साहडे संवाददाता दी रिपोर्ट मूजब दौनें मुखें दी उच्च स्तरीय बैठक दे बाद इस मुद्दे उप्पर दौनें मुखें दे नुमाइंदे सने 6 सदस्यीय तकनीकी समिति दा गठन कीता जाई सकदा ऐ। एहू तकनीकी कमेटी जरूरी तौरा पर अगले 3 म्हीने दे अंदर इस समझौते दे भविक्ख दा फैसला करोग। इस कमेटी दे गठन दा मुद्दा संयुक्त नदी आयोग दी बैठक च लैता जागं खास गल्ल एहू ऐ जे भारत ते बांग्लादेश बश्कार 1996 च गंगा जल

संधि उप्पर दस्तखत कीते गेदे हे ते एहू 30एंबरें दा समझौता अगले बरे खत्म होआ'रदा ऐ। इस बैठक च हिस्सा लैने लेई बंगलादेश दा 11 सदस्यीय प्रतिनिधिमंडल कोलकाता आए दा ऐ।

<><><><><><>

EAM-Security Breach

भारत नै विदेश मंत्री डॉ. एस जयशंकर हुंदे यूनाइटेड किंगडम दे दौरे दौरान अलगाववादियें ते चरमपंथियें आसेआ कीती गेदी सुरक्षा उल्लंघने दी निंदेआ कीती ऐ। विदेश मंत्रालय नै इक बयान च इसी अलगाववादियें ते चरमपंथियें दे इक निक्के समूह दी भडकाऊ गतिविधि आखेआ ऐ। बयान च आखेआ गेआ जे भारत नै इस उप्पर दुख जाहिर कीता ऐ ते एहू ऐसे तत्वे आसेआ लोकतांत्रिक आजादी दा दुरुपयोग ऐ। डॉ. जयशंकर होर यू.के ते आयरलैंड दे 16 दिनें दे दौरे उप्पर ना।

<><><><><><>

Prez. Women Conference

राश्ट्रपति द्रोपदी मुर्मू होर इस म्हीने दी 8 तरीक गी अंतरराश्ट्रीय महिला दिवस दे मौके पर नमीं दिल्ली च इक राश्ट्रीय सम्मेलन दा उद्घाटन करडन। इस सम्मेलन दा आयोजन महिला ते बाल विकास मंत्रालय आसेआ कीता जा'रदा ऐ जिसदा विशेसार ऐ "नारी शक्ति से विकसित भारत"। इस कार्यक्रम च बक्ख-बक्ख खेत्तरें दी महिला हिस्सा लैडन जिंदे च हथियार बलें ते अर्ध सैनिक बलें ते दिल्ली पुलस दे अफसरें सने My Bharat Volunteers , आंगनवाड़ी वर्कर, आशा वर्कर ते आप सहायता समूह दे मिम्बर शामिल होडन। इस कार्यक्रम च विश्व बैंक, UNICEF, UNDP ते UNFPA जनेहू अंतरराश्ट्रीय संगठनें दे नुमाइंदे बी शामिल होडन। 'She builds bharat' दे हैशटैग कन्नै सोशल मीडिया अभियान बी आयोजित कीता जा'रदा ऐ।

<><><><><><>

Terrorist Arrested

उत्तर प्रदेश च पाकिस्तान दी आई.एस.आई कन्नै कथित तौरा पर जुड़े दे बब्बर खालसा इंटरनेशनल दे इक सक्रिय आतंकवादी गी अज्ज बडुलै कोशम्बी जिले थमां राज्य दी स्पेशल टास्क फोर्स ते पंजाब पुलस दे सांझे अभियान दौरान गिरफ्तार कीता गेआ। उत्तर प्रदेश दे पुलस महानिदेशक प्रशांत कुमार होरें आखेआ जे गिरफ्तार कीता गेदा आतंकवादी बब्बर खालसा इंटरनेशनल दे जर्मनी आहले माडयूल दे प्रधान स्वर्ण सिंह उर्फ जीवन फौजी लेई कम्म करा रदे न ते पाकिस्तान दे आई.एस.आई दे कम्मगारें कन्नै सिद्धे संपर्क च न। उत्तर प्रदेश दी स्पेशल टास्क फोर्स नै आतंकवादी थमां किश विस्फोटक सामग्री ते गैर कनूनी हथियार बरामद कीते न।



International Women's Day

8 मात्र गी मनाए जाने आहले अंतरराष्ट्रीय महिला ध्याड़े दे चेतते च साम्बा जिले च महिला सशक्तिकरण सरबन्धी कार्जक्रम दा आयोजन कीता गेआ। कार्जक्रम दा आयोजन साम्बा जिले दे बीजेपी दफ्तर च कीता गेआ जेहदे च बीजेपी महिला मोर्चा दी प्रदेश अध्यक्ष संजीता डोगरा होरें हिस्सा लैता। इस मौके पर उ'नें महिलाएं गी सम्मानित कीता गेआ जेहिडियां केंद्र सरकार आसेआ चलाए जा'रदी बक्ख-बक्ख योजनाएं दा फायदा हासल करा'रदियां न ते होरनें लोकें गी बी इनें योजनाएं थमां फायदा हासल करने च मदाद करा'रदियां न।



CM-Bungus

मुख्यमंत्री उमर अब्दुल्ला होरें आखेआ ऐ जे सरकार कुपवाड़ा जिले दी बंगस थाहै गी सैलसफा आहली सदाबहार थाह दे तौर पर विकसित करने दी योजना बनाऽ करदी ऐ ते उत्थे सैलानिएं लेई किश बुनियादी स्थूलतां दस्तयाब करोआने लेई फंड बी बागुजार करी दित्ते गेदे न। उआं उ'नें गलाया

जे इस पैसे दा इस्तेमाल जंगलात मैहकमे आसेआ दिती जा'रदिएं मंजूरिं कन्नै जुडे दा ऐ ते इलाकेदे योजनाबद्द ढंगै नै विकास लेई ई'यां करना बड़ा महत्वपूर्ण ऐ। मुख्मन्त्री होर विधायक शेख खुर्शीद हुंदे आसेआ पुच्छे गेदे सोआलै दा परता देआ करदे हे। सैलसफा मैहकमे दे प्रभारी मंत्री दी हैसियत कन्नै मुख्मन्त्री उमर अब्दुल्ला होरें विधानसभा गी दस्सेआ जे मजूदा माली ब'रे लेई इस कम्मै गित्ते 30 लक्ख रपे मंजूर कीते गेदे न जि'दे चा 24 लक्ख रपे पैहले गै जारी करी दित्ते गेदे न।

<><><><><><><>

Mandaviya-Health Care

श्रम ते रोजगार मंत्री डॉ. मनसुख मांडविया होरें इक स्वस्थ ते तंदरुस्त भारत दे निर्माण आस्तै निवारक ते प्रचारक सेहत सेवा दे महत्व पर जोर भरेआ। धनवंतरी जनेहू प्राचीन भारतीय चिकित्सा उग्रदूतें दी वुद्धि दा हवाला दिंदे होई उनें देशै दी समृद्ध सेहत सरबंधी विरासत पर लो पाई। डॉ. मांडविया होरें एहू गल्ल हरियाणा दे फरीदाबाद च सेहत चुनौतियें ते सेहतमंद जीवनशैली सरबंधी इक सेमीनार गी संबोधित करदे होई आक्खी। मंत्री होरें नरोई सेहत सेवाएं आस्तै योग ते बर्ते दे महत्व पर जोर भरेआ। इस दौरान मंत्री होरें फरददाबाद दे ई.एस.आई.सी मेडिकल कालेज ते अस्पताल च 3 आधुनिक मेडिकल सुविधाएं दा उद्घाटन कीता।

<><><><><><><>

Gadkari-Mahila Samman

शिड़क, परिवहन ते जरनैली शिड़कें दे केंद्री मंत्री नितिन गडकरी होरें अज्ज आखेआ ऐ जे इक प्रगतिशील समाज बनाने लेई लोकें गी अपने आप गी छुआछूत, जाति आधारित भेदभाव ते फर्कोफर्की थमां मुक्त करना होग। नमीं दिल्ली च लोक माता आहिल्या बाई होलकर महिला सम्मान समारोह गी संबोधित करदे होई गडकरी होरें आखेआ जे स्हाडा मकसद ऐ जे समानता उप्पर आधारित समाज पैदा कीता जा, जित्थे कोई बड्डा जां निक्का नेई मन्नेआ जा। इस मौके पर सेहत ते परिवार कल्याण

राज्यमंत्री अनुप्रिया पटेल होंरें समाज दी भलाई लेई सरकार आसेआ लागू कीती जा'रदी कई पहलकामियें उप्पर लो पाई।

<><><><><><>

CM-Eco Survey Report

मुख्यमंत्री उमर अब्दुल्ला जिंदे कश खजाना मैहकमे दी जिम्मेदारी बी ऐ, होंरें अज्ज विधानसभा च ब'रे 2024-25 लेई आर्थिक सर्वेक्षण दी रिपोर्ट पेश कीती। मुख्यमंत्री होंरें आर्थिक सर्वेक्षण रिपोर्ट दी इक कॉपी गी सदन-पलट पर रक्खेआ। आकाशवाणी दे जम्मू संवाददाता दी रिपोर्ट मूजब, ब'रे 2025-26 लेई सदन च उमर अब्दुल्ला हुंदे आसेआ आम बजट पेश कीते जाने शा इक दिन पैहले आर्थिक सर्वेक्षण दी रिपोर्ट अज्ज सदन-पटल पर रक्खी गई। एहू आर्थिक सर्वेक्षण रिपोर्ट मेद ऐ जे जम्मू-कश्मीर दे आर्थिक हालात दी तस्वीर पेश करोग।

<><><><><><>

Cabinet-Strength

सरकारै अज्ज आखेआ ऐ जे जम्मू-कश्मीर च मंत्री परिषद च विधानसभा दे कुल सदस्यें दे 10 फीसद शा मते लोक नेई होने लोड़चदे न। आकाशवाणी दे जम्मू सांवददाता दी रिपोर्ट मूजब हंदवाड़ा दे विधायक सज्जाद गनी लोन हुंदे आसेआ पुच्छे गेदे इक सोआला दे लिक्खियै दित्ते गेदे परते च मुख्यमंत्री उमर अब्दुल्ला होंरें गलाया जे जम्मू-कश्मीर दे परतियै गठन सबरंधी कनून-2019 दे मताबक मंत्री परिषद च असैम्बली दे कुल सदस्यें दी गिनतरी दे 10 फीसद शा मते सदस्य नेई होने लोड़चदे न। मुख्यमंत्री उमर अब्दुल्ला हुंदे पर सामान्य प्रशासनिक विभाग दी बी जिम्मेदारी ऐ।

<><><><><><>

Kunal Srivatsa